

წლიური ფასი სამი მანეთი.

შინაური საქმეები.

წელიწადი მეოთხე.

ქოველ-კვირული გაზეთი.

ადრესი: ქუთაისი: „შინაური საქმეების“ რედაქცია.

წლიური ფასი სამი მანეთი (ყოველ-კვირულ გაზეთ)

შინაური საქმეები
სელის მოწერა მიიღება რედაქციაში, ქ. ქუთაისში (სა. ბუთაძე) — კახაკოვის ქუჩაზე, ში № 17). და თბილისში კომპლექტთან სომხსა, საოლანანდის შუშის მაღაზიაში. გამოცემა ყოველ თვეში ოთხი ნომერი, გარდა კვირკობისთვისა და პარიამობისთვისა, როცა გაზეთი სულ არ გამოვა. ბბ. ხელის მოწერლებს ვთხოვთ გაზეთის ფასი მთელი წლის ერთად გამოგზავნონ.

წლიური ფასი: **3** მანეთი.
ნახ. წლით: **2** მანეთი.
გაზეთი ღებულბს ყოველგვარ განცხადებებს.

შინაარსი: 1) ქუთაისი, 30 იანვარი; — ხელისა; — 2) სინამდვილე სახარებისა; — 3) ქართული საეკლესიო გალობა მღ. რ. ხუნდაძისა; — 4) მოხსენება პროფ. ა. ა. ცაგარლისა; — 5) ბუნება და ადამიანი გ. ჯაფარიძისა; — 6) წაღმა-უკულმა კ. წუთისოფლელისა.

ქუთაისი, 30 იანვარი.

„უპატრონო ქოხს ეძმაკები დაეპატრონენ“, ნათქვამია და ასე გვეძარბება ჩვენ ქართველებს და ჩვენ ძველ დიდებამონასტერ-ეკლესიებს. და ვინ არის და ნაბული ამაში? ისევ ჩვენ, ჩვენი უგულობა, ჩვენი დაუდევრობა, ჩვენი გულგრილობა. წასულ ნომერში მოუვანილმა ბ. სულიერის შენიშვნამ სწორეთ საგონებელში ჩაგვაგდო და დაგვაფიქრა ჩვენ ეროვნულ განმეულობის მოძვალზე. წარმოგვიდგა თვალწინ სხვა და სხვა ეკლესიამონასტრები, რომლებიც ჩამოგვერთვა და სადაც დღეს ერთი სიტყვაც ქართული არ ისმის, გავითვალისწინეთ დღევანდელი



თბილისის ქართულ ეკლესიების მდგომარეობა და სასოწარკვეთილების ცეცხლი მოკვედვა. მართლა და რას წარმოადგენს დღევანდელი ქართული ეკლესიები თბილისში? ქვაძვეთი, — ეს ძველი დიდება, ცარიელია, მგონი აღდგომასაც, კვირახუქმე დღეებში ორიოდ იმერელს თუ დაინახავ შიგ, მის მესობელ ეკლესიებში — სამებაში და კალობანში მარტოღა მღვდლეები დარჩენილან, ანზი ხატს მხოლოდ „ანხინატობას“ ნახულობენ და ასე მთელი ეკლესიები რომ ჩამოიარო ჰიჯვრის დაძწერ კაცს ვერ ნახავ შიგ. ამის შედეგ რა განაკვირვლია, რომ დიდუბეს სხვა დაეპატრონოს, იმ დიდუბეს რომელსაც ასეთი ისტორიული წარსული აქვს და რომელსაც ქართველი მლოცველები არ სწყალობენ? საზოგადოთ ქართველ მლოცველს ეკლესია მხოლოდ ხატობას გაახსენდება და ისიც საქეიფოთ და არა სალოცულოთ. ეკლესიის ასეთ უგულო მოპყრობაში მარტო მლოცველი ხალხი არ არის და ნამაული, არამედ თვით მღვდელმსახურნიც და უფრო ესენი; თითონ რომ უგულოთ ეკიდებიან თავის სამსახურს — ესაა რომ ვადაძღვებ სენიფით მოქმედებს ხალხსედაც. აი თუნდა ბ. სულიერის შენიშვნაში მოვეხილი ძაგალითი ავიღოთ. მართებლობამ უკანასკნელ გაასწორა თავის შეცდომა და ქართველთა განმანათლებელ დედის წმ. ნინოს დღესასწაული სცნო ღირსად ჰატევისცემისა. და როგორ შეეგება ამ ღირს შესანიშნავ მოვლენას თბილისის სამღვდლეობა, რომლის თვალწინაც მოხდა ეს დი-

დებული აქტი და რომელსაც მისდა სამარცხვინოდარაფერი დვაწლი არ მიუძღვის ამ საქმეში? მან საჭიროდაც არ სცნო ეს დღე ედღესასწაულნა, როგორც საეკლესიო წესი მოითხოვს. 14 იანვარი აქამდისაც არ უნდა ეოფილიეო ასე დავიწვებული ქართველ სამღვდლეოებისაგან და დღეს ხომ მიუტევებელ შეცდომათ უნდა შეირაცხოს და წაუძლელ ჩირქად უნდა წაეცხოს მას. თბილისის სამღვდლეოების ასეთი გულგრილობის და დაუდევრობის ბრალია, რომ თბილისის ძველი ეკლესიები ერთიმეორეზე გვეკარგება და ქართველი ხალხი ველურდება სარწმუნოების მხრით. ქართველ ნასწავლ თაობის შემობრუნება სარწმუნოებისა და ეკლესიისადმი ხომ აღარ იქნა და აღარ. მთელი წლის განმავლობაში აღდგომასაც არ მივლენ თავიანთ ეკლესიაში, აქაოდა უკან ჩამორჩენაში არავენ ჩამოგვართვასო. ამიტომ არ გვიკვირს, რომ წმ. ნინოს დღესასწაული მათ არ აინტერესებს, არ გვიკვირს, რომ ჩვენმა საერო განუთებმა კრინტი არ დასძრეს ამ დღის შესახებ. ვაცილებით უფრო დიდ აურ-ხაურს გამოიწვევდა მათში ერთი უსუსური ესდუკის ჯირკზე განვლა, ვიდრე წმ. ნინოს მოღვაწეობის მოგონება. ისტორია არ ამატიებს ჩვენ მოწინავე ახალგაზდობას ასეთ სარწმუნოებრივ გულგრილობას, მით უფრო არ ამატიებს ასეთ საქციელს დღევანდელ თბილისელ მოწინავე სამღვდლეოებს...

❀ ხელი.

სინამდვილე სახარებისა.

(გალაკოვიდან).

(გაგრძელება *).

ესე ყოველი დაიწერა, რათა გრწმენეს, რამეთუ იესო არს ქრისტი, ძე ღვთის: (ი. XX, 31).

ირინეოს ლიონელ ეპისკოპოსი, თავის წერილში ფლორინის მიმართ წმ. იუსტინე ამბობს, რომ იგი მოწაფე იყო იოანე ღვთისმეტყველის მოწაფის იოანესი. იგი, როგორც ამბობენ, დაიბადა 130 წელს ქ. შ. სიუმაწვილე სმირნაში გაატარა, სადაც გაეცნო ბერძენ ფილოსოფოსთა და პოეტთა ნაწერებს; უკვე ჰასაკოვანი პოლიკარპემ იგი გაგზავნა გალიაში (ეხლანდელ საფრანგეთში), ლიონის ეპისკოპოსის პოფინის სიკვდილის შემდეგ 177 იგი არჩეულ აქნა ლიონის ეპისკოპოსად და გადაიკვალა 202 წ.

წმ. ირინეოსს წილად ხვდა ბრძოლა (სიტყვით და წერილობით) მწვალებელთა წინააღმდეგ. მან ბევრი დასწერა ქრისტიანობის დასაცავად, მაგრამ ჩვენამდის მოახწია მხოლოდ ერთმა წიგნმა შემდეგი სახელწოდებით: „ხუთი წიგნი სხვა და სხვა მწვალებლობის წინააღმდეგ (იხ. თარგ პრეობრაჟენსკისა 1871 წ.).

ამ წიგნში ვპოულობთ შემდეგ მოწმობას სახარების შესახებ.

1) მესამე წიგნში (თ. I. გვ. 272, 273) ირინეოსი ამბობს: „ჩვენი გამოხსნის ამბავი (устроение) ჩვენ გავიგეთ არა ვინმე პირთაგან, არამედ მათგან, ვისგანაც მოახწია ჩვენამდის სახარებამ, რომელსაც იგინი ქადაგებდნენ ზებირათ, ხოლო შემდეგ, ნებითა ღვთისათა, გადმოგვცეს ჩვენ წერილობით. ამნაირათ, მათემ გამოსცა ებრაელთა შორის მათ დედაენაზე წერილი სახარებისა იმ დროს, როცა პეტრე და პავლე ახარებდნენ რომში და დააფუძნეს ეკლესია. შემდეგ მათი სიკვდილისა, პეტრეს მოწაფემ და მთარგმნელმა მარკოსმა, გადმოგვცა

ჩვენ წერილობით ის, რაც იქადაგა პეტრემ. და ლუკამ, პავლეს თანამგზავრმა, ჩასწერა წიგნში მისგან ნაქადაგები სახარება. შემდეგ იოანემ, უფლის მოწაფემ, რომელიც მიეყრდნო მას მკერდზე, გამოსცა აგრეთვე სახარება დროსა აზიის ეფესოს შინა მყოფობისასა.

2) როცა იმავე მესამე წიგნში (თ. X—XI, გვ. 243—310) სიტყვათი სიტყვამდე მოჰყავს სახარებიდან ყოველივე, რაც შეეხება იოანე წინამორბედის შობას, ხარებას, ქრისტეს შობას, მირქმას, ირინეოსი ამბობს: „ასეთნი არიან პირველნი დასაწყისნი სახარებისა. და იმდენათ დიდია ქეშმარიტება ამ სახარებისა, რომ მწვალებლებიც ღირსეულად პატივსცემენ მათ მოწმობას და თითოეული მათგანი ცდილობს მით დაამტკიცოს (მაზე დააფუძნოს) თავის მოძღვრება“.

3) როცა ლაპარაკობს იმაზე, რომ მწვალებელი მარკონი და მისი თანამოაზრეები ღებულობენ ლუკას სახარებას, მაგრამ ამოკლებენ მას თავიანთ მიზნისათვის, ირინეოსი იცავს მახარებლების ავტორიტეტს შემდეგი სიტყვებით: „მოციქულები უბრალოთ, და არავის მიმხედველნი, გადასცემდნენ ყველას მას, რაც თითონ ისწავლეს უფლისაგან. მსგავსადვე ლუკა, არავის მიმხედველი, გადმოგვცემს მას, რაც მათგან შეიტყო, როგორც თვით მოწმობს და ამბობს: „როგორც გადმოგვცეს ჩვენ მათ, ვინც თავიდაგანვე თვითმხილველნი და მსახურნი იყვნენ სიტყვისა (გვ. 340). ლუკა ქადაგებდა პავლესთან ერთად, მისგან წოდებულთა, საყვარლად, მასთან ახარებდა და მისგან შეიმოსა უფლება, რომ გადმოეცა ჩვენთვის სახარება“ (გვ. 339).

აღნიშნულ ირინეოსის თხზულებაში იმდენი ადგილებია სახარებიდან სიტყვითი სიტყვამდე მოყვანილი, რომ, ყველანი თუ მოვიყვანეთ, უნდა ამოვიწეროთ უმეტესი ნაწილი ოთხივე სახარებისა.

ტაციანემ, იუსტინე ფილოსოფოსის მოწაფემ, რომელიც ცხოვრებდა მეორე საუკუნეში (გადაიკვალა 175 წ.), როგორც მოწმობენ ევსევი და იერონიმე, ბევრი წიგნები დასწერა, მაგრამ ჩვენამდის მოვიდა მისი

* იხ. „შინ. საქ.“ № 2.

„სიტყვა ელლ ნთა წინააღმდეგ“; ამ წიგნში იგი ამხილებს წარმართთა სარწმუნოების სისულელეს და ამტკიცებს საღმრთო წერილის ღვთაებრიობას.

ამ სიტყვაში ტაციანე ასე მოგვითხრობს თავის მოქცევის ამბავს: „მე ბევრი მიმოგზაურნია სხვა და სხვა ქვეყნებში, თითონ შემისწავლია თქვენი მეცნიერება, როგორც სოფისტს; მისწავლია ხელოვნება და სხვა და სხვა გამოგონებანი. იმ დროს, როცა ჩემი გონება მის განხილვაში იყო, რაც რამ საუკეთესოა, მე შევხვდი ერთნაირ წიგნებს, რომლებიც უძველესია ელლინელ სწავლაზე და იმდენათ ღვთაებრივია, რომ შედარებაც არ შეიძლება მის (ელლინურ სწავლის) უგზურებასთან; და მე ვირწმუნე ეს წიგნები მათი ენის უბრალოებისა, მწერლების არა ხელოვნურობისა, მთელი ქმნილების ადვილი ახსნა-განმარტებისა, მყობადის წინასწარმცნობელობისა, კანონთა აღმატებულობისა და, ბოლოს, მისი სწავლისა ქვეყნიერობის ერთ მპყრობელზე. მათი ცნობით განათლებულმა, მე უარყავ წარმართთა ცნობილებანი, როგორც ბავშური ბოდვა, მე გამოვეთხოვე რომაულ ზეობასაც, ცივ ათი ნელ მქერმეტყველებასაც, და სხვა და სხვა მოძღვრებას (იხ. თხზულებანი ძველი ქრისტეანების აპოლოგტებისა თარ. პრეობრაჟენსკისა 1895 წ.).“

ამავე სიტყვაში ელლინთა წინააღმდეგ ტაციანე დაწვრილებით გადმოგვცემს სწავლას **სიტყვაზე**; ბევრი რამ შემოაქვს იოანეს სახარებიდან და მოჰყავს საკუთარი სიტყვები ამ სახარებიდან, მაგ. **ბნელია ნათელს გერ ეწია** (ი. I, 5) ყოველივე მის მიერ შეიქმნა და თინიერ მისსა არცა ერთი რა იქმნა (I, 3).

ტაციანმა შემდეგ მხარი დაუჭირა ენკრატიტების მწვალებლობას; ამ დროს მან, როგორც მოწმობს ისტორიკოსი ევსევი (წ. IV, 30), შეადგინა ოთხი სახარების კრებული, რომელშიდაც გამოსტოვა გვარტომობის აღწერილობა ი. ქრისტესი და სხვა ადგილები, რომლებიც ამტკიცებდნენ მის (ი. ქრისტეს) შთამომავლობას დაეთისაგან. ამ სახარების კრებულით, რომელსაც „დიატესარონი“ ეწოდა

სარგებლობდნენ, არა თუ მხოლოდ ენკრატიტები, არამედ მართლმადიდებლებიც. თეოდორიტე ეპისკოპოსმა (გადაიც. 456 წ.) ნახა თავის ეპარქიის ეკლესიებში 200 ცალზე მეტი „დიატესარონი“, ჩამოართვა იგინი და მაგიერათ დაურიგა სახარებები ოთხი მახარებლისა.

კლემენტოს ალექსანდრიელი, მოწაფე პანტენისა, კაცი, მაშინდელ დროის, უმაღლესი განაოლებული, 200 წ. შეიქნა თავი შესანიშნავ ალექსანდრიის სასწავლებლისა.

ყველა თავის წიგნებში, რომლებმაც ჩვენამდის მოახწიეს, კლემენტოსს მოჰყავს ბევრი ადგილები ოთხივე სახარებიდან, როგორც ისეთი წიგნებიდან, რომლების სინამდვილეში და მოახრობების ქეშმარიტებაში ეჭვი არავის შეუტანია და ამასთანავე ასახელებს მახარებლებს.

ისტორიკოს ევსევის თავის საუკეთესო ისტორიაში (VI, 14) მოჰყავს შემდეგი ადგილი კლემენტოსის წიგნიდან „დახაზულობანი“ (начертания): „სახარებებიდან პირველათ დაწერილია ისინი, რომლებშიდაც აღწერილია თავისტომობა იესო ქრისტესი. მარკოსის სახარება ასე განდა: როცა პეტრე, სახალხოთ ქადაგებდა რომში ღვთის სიტყვას და აუწყებდა სახარებას სული წმიდის ჩაგონებით, მაშინ ბევრმა იქ მყოფთაგანმა სთხოვა მარკოსს, დიდი ხნის მის თანამგზაირს. რომელსაც ახსოვდა ყოლიფერი, რაც მას უთქვამს, დაეწერა, რაც მან ჰქადაგა. მარკოსმა დასწერა სახარება და გადასცა იგი მათ, ვისაც ესაჭიროებოდა. როცა პეტრემ გაიგო ეს ამბავი, იგიარც აქეზებდა მას და არც უშლიდა. ხოლო უკანასკნელმა მახარებელმა იოანემ შეატყო რა, რომ სახარებებში მოთხრობილია მხოლოდ ხორციელი, მოყვასთა თხოვნით და სულიწმიდის ჩაგონებით, დასწერა სახარება სულიერი.“

ათინაგორ ათინელი, წარმათი ფილოსოფოსი მეორე საუკუნისა. ამას უნდოდა ეწერა და ემოქმედნა ქრისტიანების წინააღმდეგ. ამ მიზნით დაიწყო სამღეთო წერილის კითხვა და შესწავლა და შეიქნა მქადაგებელი იმ მოძღვრებისა, რომლის წინააღმდეგაც იყო.

166 თუ 177 წ. მან მიართვა თხოვნა ქრისტიანების შესახებ იმპერატორებს, მარკოს ავრელს და ლიუცი კომპოდს, თხოვ ა, რომელიც წარმოადგენს ქრისტიანობის ბრწყინვალე დაცვას უსამართლო ცილის წამებისა და დევნისაგან (პრეობრაჟენსკი 1895 წ.). ამტკიცებს რა ქრისტიანების ზნეობრივ სიმაღლეს და უპირატესობას წარმართთა წინაშე, მას მოჰყავს ამ თხოვნაში ნამდვილი სახარების სიტყვები; მაგ. მათეს სახარებიდან V, 28, 39, 44—46; XIX, 9; ლუკას სახარებიდან—VI, 27, 28, 32, 34 და 29- თავის თხოვნის ერთ ადგილას, როცა სახარების სიტყვები მოჰყავს, იგი განმარტავს, რომ ასე ამბობს წერაღა და ამით ამტკიცებს, რომ ეს სიტყვები მას მოყვანილი აქვს დაწერილი წიგნიდან: „უკეთუ გიყვარდნ მოყვარენი თქვენნი, — ამბობს წერილი და უკეთუ ავასხებდეთ მავასხებელთა თქვენთა, რაი სასყიდელი გექნეს თქვენ“. (ლ. VI 32 და 34) სამებაზე მსჯელობიდან სჩანს, რომ ათინაგორმა უქველად იცოდა იოანეს სახარება.

X თეოფილე, ეპისკოპოსი ანტიოქიისა (176—186), როგორც სჩანს მისი თხზულებიდან, აღიზარდა წარმართობაში და მიიღო იმ დროის უმაღლესი განათლება; ვაჟეაცობაში იგი გაეცნო სამღვთო წერილის წიგნებს და ირწმუნა იესო ქრისტე.

X მან ბევრი ნაწერები დაგვიტოვა და სხვათა შორის „თარგმანი (განმარტება) სახარებისა“, როგორც ამას მოწმობს იერონიმე; მაგრამ ჩვენამდის მოვიდა მხოლოდ „სამი წიგნი ავტოლიკეს მიმართ“. მეორე წიგნის მე-22 მუხლში, როცა მსჯელობს ღმერთზე და ქვეყნის გაჩენაზე, იგი ამბობს: „ამიტომ ჩვენ გვასწავლიან სამღვთო წერილნი და ყველა სულიწმიდით შემოსილნი, რომელთაგან იოანე ამბობს: **ხარველათგან აყო სიტყვა და სიტყვა ავი აყო ღვთისათანა, რითაც აჩვენებს, რომ პირველათ იყო მხოლოდ ერთი ღმერთი და მასში სიტყვა. შემდეგ იგი ამბობს: დადქმნათა აყო სიტყვა ავი; ყოველივე მას მკურ შეაქმნა და თინაერ მისსა არა რა აქმნა** (ი. I, 1—3). მესამე წიგნის მეცამეტე მუხლში მას მოჰყავს შემდეგი იდიგლი მათეს სახარებიდან: „ყოვე-

ლი, რომელი ზედვიდეს დედაკაცს გულისთქმით, მუნვე იმრუშა მისთანა გულსა შინა თვისსა. ყოველმან რომელმან განუტეოს ცოლი თვისი, თინიერ სიძვისა, მან ამრუშა იგი; და რომელმან განტევებული შეერთოს, მანცა იმრუ ა.“ (მათე V, 28—32). იმავე წიგნის მე-14 მუხლში: „სახარება ამბობს: გიყვარდეს მტერი თქვენნი და ლოცვიდეთ მაცვედრებელთა თქვენთა“.

ერთი სიტყვით წმ. თეოფილეც მოწმობს, რომ მის დროს სახარება საღვთო წიგნათ ითვლებოდა, როგორც დაწერილი სულიწმიდის ძალით შემოსილ ადამიანთაგან.

ნეტარი იერონიმე გვარწმუნებს, რომ წმ. თეოფილემ თითონ შეადგინა კრებული ოთხი სახარებისა და დასწერა კომენტარიები (თარგმანი—განმარტება).



ქართული

საეკლესიო გალობა.

ქართულ—კახური კილოს გალობა გადილო ნოტებზე პათივცემულმა და კარგათ ქართული კილოს მცოდნემ მამა **ვ. კარბელაშვილმა**, როგორც წირვის წესი, ისე ღამის თევის გალობები, — აგრეთვე იმერთში ბ. ქორიძემ. კიდევ ხუთი და ათი წილი დარჩა, როგორც ქართლ—კახური გალობის კილო, ისე, იმერული; იმერული გალობა დაწერა ვარჯიშით, ხმის ტრიალით, ხოლო კილო, სადა გალობა, როგორც ძველად გალობდნ და რომელზედაც აგებულია ვარჯიში გალობისა, დარჩა დაუწერელი. ამ უკანასკნელის დაწერა ვიკისრე მე. დავსწერე ასე სადა კილოზე წირვის წესები, ღამის თევის გალობები, რვა ხმა პარაკლიტნი, დიდ მარხვის და სხვა მრავალი. წირვის წესები დაბეჭდა სამღვდლოებამ (ერთ ხმაზე) და დანარჩენს უპირებდა დაბეჭდვას რიგ-რიგზე: ჯერ ცალფა ხმაზე და მერმე პარ-

ტიტულათ. ამ სადა კილოზე დაწერილ გალობის გავრცელებას ხელი შეუშალა საზოგადოთ ნოტების უკოდინარობამ და სამრევლო სკოლებში კერძოთ ერთმა სკოლების ხელმძღვანელმა, რომლის შესახებაც ვფიქრობ საზოგადოებას გავაცნო საქმის ვითარება შემდეგში. ასე ამ გვართ ჯერჯერობით დაბეჭდილები და ხელ-წაწერებიც აწყვიტა უმოძრაოთ. ამის შემდეგ გულ-გატეხილი კაცი უსიამოვნო დამატერიალურად ყოველად უსარგებლო საქმეზე როგორღა გაიტეხს თავს და მამა პაპათა ნამოღვაწი საერო კუთვნილება, გალობა, რომელმაც დღემდის მოაწია, ეს საზოგადო საქმე რჩება გაუკეთებელი. როგორც ვხედავ და ვიცი, თავის დღეშიაც არ გაკეთდება, რადგან ვისგანაც უნდა გაიგონონ ეს, არა მარტო რვა ხმოვანი, არამედ ათას ხმოვანი გალობა (იგულისხმეთ: სძლის პირები, იამბიკები, თვითხმოვანი და სხვ.) მალე გაემგზავრებიან იქ, საიდანაც აქეთ აღარ ბრუნდებიან.

დღეს, როგორც იმერეთში, ისე ამერეთშიაც შეჩერებულია ქართული გალობის, როგორც ნოტებზე გადალება, ისე, გავრცელება. მამა კარბელოვებს და ვერც სხვას, რასაკვირველია მე ვერავის დავაფლებ და მე კი ამ გარემოების მიხედვით მინდა ეს მძიმე ტვირთი ვიტვირთო და საზოგადოთ ვაცხადებ: ქართველმა მღვდელთ-მთავრებმა, სამღვდელოებამ და საერომ, ვისაც კი ამ საქმეზე ცოტათი გული შეტკივა, მოიპოვონ როგორმე მსურველი ახალგაზდები, ხმის და ნიქის პატრონნი, გამოიგზავნონ და მე ვასწავლი მათ უსასყიდლოთ. მე ვერ მივიღებ შრომას ისეთ პირებზე, ვისაც მარტო წირვის წესები უნდა ისწავლოს და გაუდგეს გზას. არა, პირობა ასეთი იქნება: მათ უნდა ისწავლონ ჩემგან არა მარტო წირვის წესები, არამედ მთელი გალობა: 12 საუფლო და მარხვანი, რაც კიდევ დარჩენილა ხსოვნაში. ესენი წიგნებით ასე იანგარიშება: პარაკლიტონი რვა ხმა, სადღესასწაულო, მარხვანი და ზადიკი. მოსწავლეს ნება არ ექნება დაწყებული საქმე მიატოვოს სანემ მთლათ არ გაათავებს მოხსენებულ გალობებს. ამ გვართ მამაზადებული პირები, რომ აგალობონ

მღვდელთ-მთავრებმა ხანდახან კანანარხით მათთან მსახურების დროს, ვგონებ აჯობებს იმას, დღეს, რომ მარტო წირვის წესს ჯერდებიან. ვფიქრობ, ამ წესით მომზადებულ მგალობლებს წინ და წინ რომ მედავითნეობის ადგილი აღუთქვას მღვდელთ-მთავარმა ქალაქებში და შესაქრებელ შტატის ადგილებზე, ადვილათ იზოვება მოსწავლეები, სადაც ისინი გავრცელებენ გალობას და შესაძლებელია ამ გვართ შამობრუნდეს და აღარ დაიკარგოს ქართული გალობა, რომელიც დღეს თუ ხვალ სრულიად დაიკარგება და მერმე გვიანლა იქნება „თითზე კბენანი“.

მღვდ. რ. ხუნდაძე.

ესთხოვ უმოჩილესათ „სახალხო გაზეთის“ პატივცემულს რედაქციას და სხვა ქართულ გაზეთ-ჟურნალებს გადაბეჭდონ ეს წერილი.

რ. ხ.

მ ო ხ ს ე ნ ე ბ ა

პროფესორ ა. ა. ცაგარელისა.

(ნათარგმნია სინოდის ორგანის „Церковныя Вѣдомости“-დან 1906 წლ.).

მანქანაზე XVII—XVIII საუკ. ოფიციალურ მიწერ-მანქანისა საქართველოს (იგერაის) ეკლესიის აგტოკეფალიის შესახებ.

„სიციხოველე სარწმუნოებისა ქართველებში დიდია, რისგანაც წარმოსდგება მათი ერთგულება სრულიად რუსეთის ხელმწიფის კარი-სადმი და კეთილი განწყობილება რუსეთის ხალხისადმი.“¹⁾ ასე ამბობს მოხსენება, წარდგენილი დედოფალ ეკატერინა მე II-დმი უცხო ქვეყნების საქმეთა კოლეგიისგან 1768 წ.

¹⁾ სიგელები და სხვა ისტორიული საბუთის წერილები მე XVIII საუკუნისა, რომლებიც ეხებიან საქართველოს. პირველი ტომი 1768—1774 წ დი. პეტერბურგის უნივერსიტეტის პროფესორის ა. ა. ცაგარელის რედაქტორობით. საქართველოს ქართით 1771 წ. პეტერბგი 1891 წ. 6—9 გვ. (რუსულათ).

ოსმალებთან პირველ ომიანობის წინ, რომელ-
შიდაც მონაწილეობის მიღებაზე დედოფალი
საკუთარი წერილით იწვევდა საქართველოს
მეფეებს და ხალხს²⁾.

საქართველოს საქლესიო საკითხის ბჭო-
ბაში საკუთარი ყურადღების ღირსია ის გარე-
მოება, რომ იმ დროის უმეტეს ცნობილ რუ-
სთა ოფიციალურ დამოწმებით, პირველათ, სი-
ცხოველე სარწმუნოებისა ქართველ ხალხში³⁾
მე XVIII საუკ., იყო დიდი, მაშასადამე, სარ-
წმუნოება მაშინ არ იყო დაცემული, რო-
გორც ზოგნი ეხლა ფიქრობენ, და მეორედ,
რომ ეს „დიდი სიცხოველე სარწმუნოებისა“
ითვლებოდა მაშინაც წყაროდ და მიზეზად
ქართველთა კეთილ-ნდობისა და განწყობილე-
ბისა რუსეთის ხელმწიფესა და ხალხისადმი,
ყველა კი ეს, ერთად აღებული, უჩვენებდა,
რომ მომავალ ძნელ ომში, თათრების წინააღ-
მდეგ საქართველოს მეფენი და ხალხი გაუწე-
ვენ რუსეთს დიდ შეწევნას და შევლას, —რას-
შიდაც რუსეთი არ მოსტყუვდა.

ჩვეულებრივად წარმოიდგენენ საქართვე-
ლოს რუსეთთან კავშირის შეკვრამდის 1783
წ., როგორც დაჭრილს. გაცარცულს ავაზა-
კებისაგან და გადაგდებულს დიდ გზაზე კაცს,
ვიდრე რუსეთმა, როგორც მოწყალე სამარი-
ტელმა სიბრალოლის გამო არ წაიყვანა ის და
არ განკურნა მისი ქრილობანი³⁾

²⁾ სათაური ამ მოხსენებისა: „ბჭობა იმაზედ, თუ რა
ღონისძიებით დაიყოლიონ ქართველნი მონაწილეობის
მიღებაზე ახლანდელ ოსმალეთის პორტასთან ომში.
სიგელები, პირველი ტომი, 1 გ.

³⁾ ერთმა სასულიერო წევრმა საქართველოს უწო-
და „უმაღურ“. რადგანაც მასწურს აღადგინოს კანონიუ-
რი წესი თავის ავტოკეფალიურ ეკლესიის მართვა-გამგეო-
ბისა, ეს ამტკიცებს მხოლოდ, რომ ამ მღვდელ-მთავარმა
ცუდად იცის რუსი ქართველთა დამოკიდებულებათა
ისტორია: უკანასკნელი სამი საუკუნე რუსეთთან კავშირის
შეკვრამდი 1783 წ. საქართველოს დაპყრობაზე ცი-
ლობდენ მაჰმადიანთ სახელმწიფოები—სათათრეთი და
სპარსეთი, მე XVIII საუკუნეში-კი მათ მიემატა ქრისტეს
აღმსარებელი რუსეთიც. რუსების სამმა გალაშქრებამ
(1722, 1770, 1796 წ.წ.) სპარსეთში და ოსმალეთში
ვერ იქონია მტკიცე შედეგი, მიუხედავად ამისა ქართ-
ველმა მეფეებმა და ხალხმა ცხადად მიიღეს მხარე ქრის-
ტიანული სახელმწიფოსი და შესწყვიტეს საუკუნოებითი

ასეთი აზრი საქართველოზე, როდესაც
საგანს ახლო გავიკნობთ ვერ პოულობს დამ-
ტკიცებას ნამდვილ რუსეთ—ქართველთ დამო-
კიდებულებათა ისტორიაში.

საქართველოში მე XVIII საუკ. არა მა-
რტო „სიცხოველე სარწმუნოებისა იყო დიდი“,
არამედ ქართული სახელმწიფოც იყო საკმაოდ
ძლიერი და შემძლებელი, რომ რუსეთს ეძებ-
ნა და ღირსეულად დაეფასებინა მისი სამხედ-
რო შეწევნა და დახმარება ოსმანებთან, სპარ-
სელებთან და კავკასიის მთიულებთან ომის-
თვის.

1750 წლამდე სათათრეთი და სპარსეთი
ღროებით იპყრობდენ საქართველოს არა შე-
პირებითი უფლებით, არამედ უფლებით დამპ-
ყრობელისა ანუ მძლეველისა; ხშირად, რომ
დაეშორებინა რუსეთს, სპარსეთი მოსთხოვდა
ხოლომ საქართველოს მეფეებს მაჰმადიანობის
მიღებას, მაგრამ არ ეხებოდა უფლებას და
განსაკუთრებულ მდგომარეობას საქართველოს
ეკლესიისას; ასე იქცეოდნენ ერთ დროს არა-
ბებიც და განსაკუთრებით მონგოლები, რომ-
ლებიც ამასთანავე ათავისუფლებდნენ ეკლე-
სიებს და სამღვდლოებას სახელმწიფო გადა-
სახადებისაგან. მე XVIII საუკ. მეორე ნახევ-
რიდგან (სპარსეთის შაჰის ნადირის სიკვდილის
შემდეგ 1748 წ.) საქართველოს სამეფო-ნი
ქართლისა და კახეთისა, გაყოფილნი მე XV

კავშირი მაჰმადიან სახელმწიფოებთან. რუსეთი დადგა
მტკიცედ კავკასეთის გადაღმა მხოლოდ მაშინ, როდესაც
საქართველომ სტუმრულათ გაუხსნა რუსის ჯარს თავისი
სახელმწიფოს საზღვრები, ამ სახით, არა მარტო დამარ-
ხილება კავკასიელ მთიულია, რომლებიც აობრებდენ
რუსეთის განაპირა მიჯნებს, არამედ დაჭერა შუა აზიისა
და კასპის ოლქისა იყო ბუნებრივი შედეგი ქართველ-
რუსს 1783 წლის პირობის შეკრულებისა. თუ-კი რუ-
სეთს არ შეეძლო, ან არ შეუძლია წაიწიოს უფრო წინა,
ანუ მცირე აზიაში, ან სტამბოლის მხარისკენ, —ამაში
რასაკვირველია, საქართველო არ არის დამნაშავე. რუ-
სეთთან კავშირის საქართველომ შესწირა თავისი 20
საუკუნის სახელმწიფო და 15 საუკუნის ეკლესია, სარწ-
მუნოება ჰქრება, და ხალხიც, როგორც ერი, დიდხანს
არსებობას ვერ შესძლებს, რადგანაც „არა პურითა
მხოლოდ ცხოველ იქმნების კაცი“. ახლა ეკითხოთ: ვინ
არის „ლაუმაღური“ და ვინ, ვინ „გააქციდნია“?!

საუკ. მეორე ნახევრიდან, არა თუ ხელახლა შეერთდნენ ერთ ძლიერ სახელმწიფოთ, გარნა ქართველ მეფეთა თეიმურაზ და ირაკლის შემწეობით კიდევაც დაიპყრეს ორი სახანოები: განჯისა და ერევნისა, რომლებსაც, საქართველო ჰფლობდა 1795 წლამდე, ე. ი. საქართველოზე თავდაცემადი სასტიკი სპარსეთის ალი-შაჰ-მირზისა, რომელმაც დაატყვევებდა საფუძვლამდე თფილისი, რომლის დასაცველათ რუსეთიდგან არ იყო გამოგზავნილი არც ერთი მოლაშქრე, მიუხედავად შეპირებისა (სეპარატიული მუხლები 2—4) 1783 წლიდან.

შეერთებული საქართველოს სამეფო არსებობდა თვით რუსეთის სახელმწიფოსთან შეერთებამდე 1801 წ. ასე, რომ რუსეთთან პირობის შეკერის დროს 1783 წელს, საქართველოს სამეფოს ჰქონდა სრული სასულიერო და სამოქალაქო დამოუკიდებლობა. იურიდიულათ ეს დრო უნდა ითვლებოდეს ქვა კუთხედათ ჩვენ გამოძიებათა ეხლანდელ საქართველოს ეკლესიის საკითხში; ყველა აქამდინ გამოთქმულ მოსაზრებას საქართველოს ეკლესიის ძველ დღეზე აქვთ უფრო ისტორიული ხასიათი გასაცნობათ ივერიის ეკლესიის ბედი-სა და მდგომარეობისა წარსულ საუკუნოებში. 1783 წლის რუსეთთან შეკრულმა პირობამ ნახა საქართველოს ეკლესია და სახელმწიფო სრულიად დამოუკიდებლათ. ამას დასამტკიცებლათ გავიცნოთ რამდენიმე საბუთის წერილები, რომელნიც გვიხატავენ მდგომარეობას საქართველოს ეკლესიისას, მის წარმომადგენელ—ქათალიკოსისას და საზოგადოთ საქართველოს სამღვდლოებისას მე XVII—XVIII საუკუნოებში, როდესაც საქართველოს ჰფლობდნენ დროებით თათრები და სპარსელები.

ამ დროიდგან დაბეჭდილია ჯერ ცამეტამდე ოფიციალური საბუთის წიგნები, ფარმანები, ანუ ოქმები სპარსეთის შაჰებისა და სათათრეთის სულთანებისა, დედანი რუსული თარგმანით იხილე პირველ ტომში კავკასიის არქეოგრაფიური კომისიის გუჯრებში, გვ. 69—77, საიდგანაც მოგვყავს შემდეგი მოკლე ნუსხა და სრულებით ორი ფარმანი.

1) ფარმანი სპარსეთის შაჰის სეფისა (1627—1641) შაჰი აბაზ ღიდის შეილიშვილისა საქართველოს ქათალიკოსის (ზაქარიას) სახელზე მადლობის გამოცხადებით ღვინისა და მიმინოების გამოგზავნისათვის.

2) ფარმანი შაჰი სულეიმანისა (1666—1694) ქათალიკოსის გადაყენებაზე შეფის—მამადანის ნაზორ ალიხანისადმი არა პატივისცემისათვის და მის აღვილზე მეორე პირის ამორჩევაზე.

3) ბრძანება სათათრეთის სულთანის რედენ ფაშის სახელით ყ-დ უსამღვდელოესო დომენტის ქათალიკოსის წოდების დაბრუნებაზე 1724 წლიდან თფილისში.

4) ბრძანება სათათრეთის სულთანისა საქართველოს ქათალიკოსის სამწყსოს შორის წესიერების დამყარებაზე 1726 წლიდან.

5) ფარმანი ნადირ შაჰისა საქართველოში ახალი ქათალიკოსის დანიშნვაზე 1742 წლიდან.

6) ფარმანი ნადირ შაჰისა უსამღვდელოეს ანტონის სახელზე მის საქართველოს ქათალიკოსის ხარისხში აყვანაზე 1744 წლიდან.

7) ფარმანი სპარსეთის ასლან შაჰისა ანტონის საქართველოს ქათალიკოსის ხარისხში დამტკიცებაზე 1747 წლიდან.

8) ფარმანი შაჰი იბრაჰიმისა ქათალიკოს ანტონის სახელზე იმისათვის ტანსაცმელი (კაბა—ანაფორა) და სამოსელის ბოძებაზე 1748 წლიდან.

9) ფარმანი იბრაჰიმე შაჰისა ანტონი ქათალიკოსის სახელზე, რომლითაც ქათალიკოსს ნება ეძლევა მოუაროს და ისარგებლოს იმ სოფლებით, რომლებიც ჰბოძებია საქართველოს ეკლესიას სხვა და სხვა დროს, 1748 წლიდან.

ყველა ამ სპარსული და თათრული ფარმანები მტკიცდება არსებული ძველის დროიდგან საქართველოში „საეკლესიო ჩვეულებანი, უფლებანი და უპირატესობანი საქართველოს ეკლესიისა და ამორჩეულ ქათალიკოსებისა“ და არ არის იქ არც ერთი სიტყვა მათ დამოუკიდებულებაზე რომელიმე სასულიერ-

რო პირისაგან საქართველოს გარეშე. ხალხი, ე. ი. ეპისკოპოსები, კრებული და ერის კაცები, ირჩევენ ქათალიკოსს, — შაჰი, ანუ სულთანი მას ამტკიცებს. მაგალითად მოვიყვანთ ორ ფარმანს—თათრულს ქათალიკოს დომენტის სახელზე 1724 წლიდან, და სპარსულს ქათალიკოს ანტონის სახელზე 1744 წლიდან.

დომენტი, ძა მეფე ვახტანგი VI, იყო საქართველოს ქათალიკოსთ პეტრე დიდის გალაშქრების დროს სპარსეთისკენ 1721 წელს. პეტრეს მოკავშირე იყო ვახტანგი, რომელიც 30 ათასი ქართველ ლაშქრით მივიდა შემახი-აში, მაგრამ პეტრე სათათრეთის მუქარის გამო, რომელმაც (სათათრეთმა) მასინ დაიჭირა თფილისი, ყარსი, შემახა, იძულებული შეიქმნა დაბრუნებულიყო დერბენტიდან ასტრახანში და შემდეგ პეტერბურგში.

1724 წელს პეტრე დიდმა შეჰკრა პირობა ოსმალეთთან, რომლის ძალითაც საქართველო, როგორც სხვა სათათრეთის ჯარისაგან დაჭირული ადგილები კავკასიაში, გადაეცა სათათრეთს, გარდა ვიწრო ადგილისა კასპის ზღვის პირზე—მაზანდერონისა და ასტრიდისა, სადაც დარჩა რუსეთის ჯარი 11 წელიწადს. ამის შემდეგ საქართველოს მეფეს ვახტანგ VI, როგორც პეტრე დიდის მოკავშირეს, აღარ შეეძლო დარჩენილიყო საქართველოში; თავისი შინაყმებით და დიდი ამალით ის გავიდა რუსეთში და დაესახლა მოსკოვში. ვახტანგის ძმა, ქათალიკოსი დომენტი, რამოდენიმე ხანი იმალებოდა საქართველოში, შემდეგ წავიდა კონსტანტინოპოლში, საიდანაც ცოტა დროს გამოშვებით დაბრუნდა საქართველოში წინანდელი ქათალიკოსის ხარისხით. აი ამ შემთხვევას ეხება ის საბუთის წერილი, რომელიმე მაქვს განძრახვა სავიკითხო. შესანიშნავია, რომ დომენტი ქათალიკოსის საქმის მოსარიგებლათ პორტას არ მიუმართავს ანტიოქიის პატრიარქისთვის, თუმცა ეს საპატრიარქო ოსმალეთის სახელმწიფოში იყო, როგორც ეხლად და აქედგან ცხადათ სჩანს, ანტიოქიის პატრიარქის მე XVII—XVIII საუკ. არ ქონდა არავითარი უფლება საქართველოს (ივერიის) ავტოკეფალურ ეკლესიაზე.

ბრძანება რედვენ—ფაშისა სულთანის სახელით: „უპარატესო ქრისტიანთ სამღვდლოებაში, ნამყოფო წინათ თფილისისა და კახეთის და აგრეთვე მთელ ქართველ ტომთა ქათალიკოსად, დომენტი, იყოს შენი სახელი ბედნიერი! შენ, მსგავსათ შენის ძმისა, შემცდარ ვახტანგ—ხანისა, გარემოცული შიშით, რამოდენიმე ხანი იმალებოდი, ბოლოს ვერ იპოვე რა თავშესაფარი გარდა ჩრდილისა ქვეშ დიდებულისა, როგორც ცა, სულთანისა, მიმართე მისს კარს თხოვნით შეწყალებაზე და შენთვის მინიჭებაზე აღრინდელი ხარისხი სასულიერო წოდებისა ქართველ ტომთა შორის, ამისათვის წავშალე ფიცარზე შენდობის კალმით უწინდელი შენი შეცოდებანი და მოგანიჭე შენ შეწყალება და დაგიბრუნე წოდება ქათალიკოსისა და უპირველეს სასულიერო პირისა ქართველ ტომისა თფილისში და კახეთში და მათგან დამოკიდებულ ქვეყნებში ამ წოდების კუთვნილ ყველა უფლებით; თქვენ კი საზოგადოთ მცხოვრებნო, თავადნო, და მღვდელნო! საქართველოში უნდა იცნოთ ხსენებული დომენტი თქვენ უპირველეს სასულიერო პირათ, ყველა სასულიერო საქმეები შერაცხოთ მისგან დამოკიდებულათ, აძლიოთ მას თქვენი ჩვეულებისამებრ ძველის დროიდან არსებული შამოსავალი და მის თანამდებობაში არცინ არ ჩარიოთ. ასე ასრულებდეთ შიშ ქვეშ პასუხის გებისა ურჩობისათვის. 1137 წელს, სიჯარა (1724).

ფარმანი სპარსეთის ნადირ შაჰისა ყ-დ უსამღვდლოეს ანტონის სახელზე იმის საქართველოს ქათალიკოსის ხარისხში აყვანაზე: „წყალობითა მალლისა ღვთსა ბრძანება გაიცა: მის უმაღლესობამ (აღმოსავლეთის) საქართველოს და ქართლის ვალიმ (შაჰის მოადგილემ) თეიმურაზ-ხანმა აუწყა ჩვენ უდიდებულეს სახელმწიფოს წარჩინებულ პირთ, რომ საქართველოს ქათალიკოსი გადიცვალა და ხალხმა საზოგადო კრებაზე ღირსად სცნა ამ ხარისხში პირველი ყ-დ უსამღვდლოესი ანტონი, (დისწული?) მისი უმაღლესობისა, რომლითაც, მისი ცოდნის ქრისტიანულ სჯულის დოღმატებით და როგორც პირველი

სამღვდელოებაში, ყველანი კმაყოფილი და მადლიერი არიან და თხოულობენ ამაზე შუამდგომლობას;—რისთვისაც, თანახმად ხსენებულ ხანისა და საქართველოს მცხოვრებლების თხოვნისა, ავიყვანე რა უსამღვდელოესი ანტონი, ამა წლის პირველ ნახევრიდან, უმაღლეს ხარისხში ქსთოლიკოსისა, დაუნიშნე მე მას, მსგავსად წინანდელი ქათალიკოსებისა, წელიწადში 6000 ნადირის მანეთი, რომელიც მივიანდევ მას მიიღოს თავის საკადრის ხარჯათ იქაურ მთავარ მართებელთაგან. ამ ხარისხში აყვანის შემდეგ ის ვალდებულია კეთილათ მოწყყესოს თავისი სამწყსო, ყველა მცხოვრებთა დასაკმაყოფილებლათ და ჩვენი კარის კეთილდღეობაზე და მარადისობაზე ილოცოს. ამასთანავე, ყველა თავადებს, მღვდლებს, დარბაისლებს და საქართველოს ხალხს ებრძანა ვალდებულათ იცნონ ის თავის ქათალიკოსათ, სამღვდელოების თავად და ყველა სასულიერო საქმეებში უპირატესათ; რაზედაც ნაბრძანებია უმთავრეს ჩემს დივნებს ჩასწარონ დაფთარში.“ თვე რედაქტ 1157 წ. ხიდაჯრა (1744 წ.).

ნაწილი წერილისა კახეთის მეფე თეიმურაზ I რუსეთის მეფე მიხაილ ფეოდორეს ძისადმი ¹⁾ 1639 წლიდან შესახებ მდგომარეობისა საქართველოს ეკლესიისა და მის დამოკიდებულებისა სხვა ეკლესიებთან: „მევიბრძვი და ვომობ დღე და ღამე (აგარაანთა წინააღმდეგ), სწერს თეიმურაზი, რომ არ დაიკარგოს და არ მოისპოს ჩემს დროს კეთილ-მსახურ მართლმადიდებელ ქრისტიანთა სარწმუნოება, რადგანაც დადგა უკანასკნელი დრო და თუ არ გვაქვს ჩვენ სრული საეკლესიო წესიერება, ეს ჩვენც ვიცით, მაგრამ რა გაეწყობა.

ჩვენ გვაქვს ბევრი კაკულუღევანება საეკლესიო წესიერებაში, მაგრამ ცთომილება ქრისტეს მართლმადიდებელ სარწმუნოებაში სრულიად არა გვაქვს, რადგან ჩვენ, მართლმადიდებელ ქრისტიანთ გვწამს და თაყვანს ვცემთ (მოპყავს სიტყვები სიმეოლო სარწმუნოებიდან), ჩვენ იმ თავითვე მივიდეთ ქრისტიანულ-

ლი სარწმუნოება მართლმადიდებელ რომელ (ბერძენთ) მეფეებისაგან და საღმრთო წერილი ჩვენი და (წმ). ნათლისღება; პირველათ გვიქადაგა ჩვენ წმ. ნინო ბერძენმა და ვინაიდგან ახლა მართლმადიდებელი ქრისტიანნი ბერძენის მეფეებათ აღარ არიან—ჩვენ გვყავს აქამდის 4 მართლმადიდებელი პატრიარქი რომლებიც გვაყენებდნენ ჩვენ და გაგვამტკიცებდნენ მართლმადიდებელ ქრისტეს სჯულზე და მოდიოდნენ ჩვენთან კონსტანტინოპოლის პატრიარქი უფალი ფეოლოპტა, ანტიოქიის უფალი ნეოფიტი, იერუსალიმის უფალი თეოფანი. რამდენი მიტროპოლიტები, რამდენი ილუმენები და საპატრიარქო არქიმანდრიტები მოდიოდნენ და მოდიან ჩვენთან ყოველს დღე წყალობის შესაკრებათ, მაგრამ არც ერთს არ უნახავს რაიმე ცთომილება მართლმადიდებელ ჩვენ სარწმუნოებაში. ახლა კი უფალმა ჩვენმა იესო ქრისტემ მოგვცა ჩვენ თქვენი მეფური უმაღლესობა თავათ და დამტკიცებათ მართლმადიდებელ ქრისტეს სჯულისა“...

გარდა აღმოსავლეთის პატრიარქებისა, რომლებიც მოდიოდნენ საქართველოში ხშირად, რუსეთის სასულიერო პირებიც ცდილობდნენ დაეჯერებინათ ქართველები, რომ მათ დაეცვათ ცნობილი საეკლესიო წესები, შეთანხმებულნი რუსეთის ეკლესიის წესებთან; ასე, მაგალ. 1589 წ. წავიდა მოსკოვიდან საქართველოში ელჩი თავ. ზენიგოროდსკი წერილებით რუსეთის პატრიარქ იობისა კახეთის მეფე ალექსანდრესადმი და მიტროპოლიტ ნიკოლოზისადმი და წაიყოლა თან ნასწავლი კაცები, საეკლესიო ქურქლები, წიგნები, ხატები, საღებავები, მხატვრები... კახეთში ასრულდნენ წირვა-ლოცვის და რუსები და ქართველები ცილობდნენ კანკალების ფორმაზე, ტრაპეზზე, ოდიკზე, რომ ყველა ეკლესიებზე არ იყო ჯვრები, რომ ძალიან ადრე აკურთხევდნენ ხოლმე ახალგაზდა მღვდლებს და ეპისკოპოზებს და სხვა. ქართველები უპასუხებდნენ, რომ მათ დიდი ხანია მიიღეს ქრისტიანობა კონსტანტინე მოციქულთა სწორის დროს და რომ მათი საეკლესიო წესები ეთანხმებიან წესებს და ჩვეულებებს საბერძენთ—აღმოსავლე-

¹⁾ მიწერ-მოწერა ქართველ მეფეთა რუსეთის მეფეებთან, გამოც. სამეცნიერო აკადემიისა, ბრუსსეს რედაქტ. 3. 1861 წ გვ. 7.

თის ეკლესიისას და სხვ. ერთი სიტყვით, მოსვლა აღმოსავლეთის პატრიარქებასა და მასწავლებელ პირთა ჩრდილოეთიდგან და მათი მოღვაწეობა საქართველოში კიდევ არ ნიშნავს, რომ საქართველოს ეკლესია იყო დამორჩილებული მე XVII-XVIII საუკ. რომელიმე გარეშე სასულიერო იურისდიქციასგან. თვითონ ანტიოქიის პატრიარქის მაკარის სიტყვით, რომელმაც მოიარა საქართველო მე XVII საუკ. მეორე ნახევარში: „აღრე (საქართველოს ეკლესია) იყო დამოკიდებული ანტიოქიის პატრიარქისაგან, მაგრამ შემდეგ გახდა ავტოკეფალური და აღმოიჩინა თავისი დამოუკიდებელი ქათალიკოსი.“ ასე იწყებს ის თავის მოთხრობას საქართველოზე. (პრაგოსლ. სობესენდნიკ. 1906 წ. იანვ გვ. 115)

(შემდეგი იხილეთ).



ბუნება და ადამიანი.

(დასასრული *).

არის მეორე აზრიც, რომელიც არსებით ეწინააღმდეგება ზემოთ მოყვანილ შეხედულებას. ამ შეხედულების შინაარსი შეიძლება ასე გამოითქვას: ადამიანი არის გონიერი და ნიჭიერი არსება, ბუნება კი მკვდარი და უმოქმედო ნივთიერება. ყველაფერი რაც კი ხდება ცხოვრებაში არის ადამიანის შემოქმედებითი ძალის შედეგი და ბუნება არაფერ შუაშია ამ რთულ საქმეში. ბუნების ცვლილება ხდება ერთხელ დაწესებულ კანონებზე და ამას არც ადამიანის ცხოვრებაზე არც ის ტორიაზე გავლენა არა აქვს.

ეს შეხედულება მეტი უსაფუძვლოა და იმდენათ მოკლებულია მეცნიერულ ნიადაგს, რომ დაწვრილებით მისი განხილვა და უარყოფა ზედმეტია.

ამგვარად იმ საკითხის შესახებ რა არის ბუნება და ადამიანი და რა დამოკიდებულება

* იხ. შინ. საქ. № 2 1911 წ.

არსებობს მათ შორის მკაფიოთ გამოთქმულია ორი შეხედულება: ერთი რომ ბუნებასა აქვს დიდი გავლენა ადამიანზე და ადამიანი თუმცა მოქმედობს, მაგრამ ბუნების ხელმძღვანელობას ქვეშ იმყოფება და თავისი საკუთარი პიროვნება გამოუჩინარი აქვს, ესე იგი ბუნება არის ბატონი ცხოვრებაში, ხოლო ადამიანი— მონა; მეორე ის, რომ ადამიანი მეფეა ბუნებისა და ბუნებას თავის გემოზე სცლის და ცხოვრებას თითონ აწვითარებს ქვეყანაზე, ესე იგი ადამიანი არის ბატონი ცხოვრებაში და ბუნება კი ყურმოჭრილი მონა.

ორივე ზემოთ მოყვანილი შეხედულება მოკლებულია სიმართლეს და ქვეშაირტებას არ შეიცავს. პირველი აზრი გადაჭარბებით აწვითებს ბუნების გავლენას ადამიანზე და ბუნებას გონიერი, ძლიერი და შემოქმედებითი ძალის მექონ რამეთ ხატავს. მეორე აზრი გადაჭარბებით ამცირებს ბუნების ძალას და ადამიანს ისეთ ძალას ანიჭებს, ვითომც ადამიანი თვისი შემოქმედებითი ნიჭით არარაობისაგან აჩენდეს ყველაფერს.

ჩვენის აზრით კი ნამდვილი ქვეშაირტი შეხედულება ამ საგანზე შემდეგია. ბუნება და ადამიანი არის ორი მხარე, რომელთა მეოხებით არსებობს ქვეყანაზე ცხოვრება და რომელთა მოქმედებით იგი ღლითი-ღლე რთულდება და მიდის წინ.

ერთი მხრით არის ბუნება და მეორე მხრით ადამიანი; ბუნება შეიცავს ღედამიწას ათსანაირი სხვა და სხვა ნივთიერებით აღვსილს და მზე, მთვარე, ვარსკვლავებით განათებულს. ბუნების მოძრაობა ემორჩილება ბევრნაირ კანონებს, რომელთა მოქმედებაც უცვლელია საუკუნოების განმავლობაში. ადამიანი არის ცოცხალი არსება, რომელსაც აქვს რთული აგებულება და აღჭურვილია ნიჭითა და გონებით. ერთი შეხედვით ბუნება არის დიდი და ძლიერი რამ ადამიანი კი პატარა და სუსტი, ბუნების არსებობისათვის კაცს არავითარი მნიშვნელობა არა აქვს და ამიტომ შეიძლება ვიფიქროთ, რომ ბუნება კაცისაგან სრულიად დამოუკიდებელია; სულ სხვაა ადამიანის მდგომარეობა. ადამიანის არსებობა დამოკიდებულია

ბუნებაზე; ბუნების გარეშე ადამიანის არსებობა შეუძლებელია და რადგან ეს დამოკიდებულება ძლიერია, ამიტომაც; როგორც ზევითა ვსთქვით ერთი შეხედვით ადამიანი ყურ მოკრილ მონათ გვჩვენება ცხოვრებაში, მაგრამ დაწვრილებით რომ გამოვიკვლიოთ, დაეინახავთ, რომ ადამიანი, თუმცა სუსტი და ჰატარა არსებაა ბუნებასთან შედარებით, მაგრამ ისეთი იარაღით არის აღჭურვილი, რომ ბუნებას ეტოქება და ბრძოლას უმართავს.

ადამიანსა და ბუნებას შორის არსებობს დამოკიდებულება და აი ეს დამოკიდებულება არის ნიადაგი, რომელზედაც აღმოცენებულია ადამიანის ცხოვრება. ბუნებაშია ბევრგვარი ნივთიერება და საგნები, ესენი ყველა საჭიროა ადამიანის არსებობისათვის, ადამიანსა აქვს მასთანავე ბევრგვარი მოთხოვნილებები, რომელთა დასაკმაყოფილებლათ საჭიროა სხვა და სხვა ნივთიერების შოვნა. ნივთიერებას ანუ საარსებო მასალას ადამიანი ბუნებაში ნახულობს, თითონ კი ცდილობს ეს მასალა იშოვოს, შეიძინოს და მოიხმაროს. ამგვარათ ადამიანი იწყებს ქვეყანაზე ფიზიკურ მოძრაობას, რომლის პირველი დანიშნულება საზრდოს მოპოება არის, შემდეგ რასაკვირველია სხვა და სხვა მოთხოვნილებათა და სურვილებთა ასრულება. ადამიანის ფიზიკური მოძრაობა ვითარდება, ფართოდება და ჩდება შრომა რთული და ნაყოფიერი. ამგვარათ საქმე ასე უნდა წარმოვიდგინოთ. ბუნება აძლევს მიზეზს და იწვევს ადამიანს სამუშაოთ, ადამიანი კი ნიჭით აღჭურვილი მუშაობს, ვარჯიშობს და ვითარდება; ამ მუშაობაში ვითარდება კაცის ნიჭიც. ავიღოთ მცირე მაგალითი. ადამიანი ხედავდა ხეზე ვაშლს, რომ მოეწყვიტა ვაშლი ამისათვის ხეზე ასვლა იყო საჭირო, ან კიბის გაკეთება ან ძირიდან ჯოხით მისი ჩამოგდება. აი ეს საშუალებები ადამიანის ნიჭს უნდა გამოემტნა, ვაშლი კი ბუნების საკუთრება იყო, ვაშლის შოვნის სურვილიც ადამიანის მოთხოვნილება იყო. ეს მცირე მაგალითი რომ რთულად წარმოვიდგინოთ და ყოველი მოვლენა ადამიანის ცხოვრებისა ასე განვიხილოთ აღმოჩნდება, რომ ადამიანი მოქმედებს და მასალას კი ბუნება აძლევს.

ბუნება ერთი მხრით ხელს უწყობს ადამიანს და აძლევს საშუალებას, რომ ადამიანმა იარსებოს და ცხოვრება მოიწყოს ქვეყანაზე. ბუნება აძლევს კაცს ჰაერს და საზრდოს (სასმელ-საქმელს); ბუნებავე აძლევს კაცს ხან შხა მასალას საცხოვრებელი ბინის ან სხვა საჭიროების მოსაწყობათ, ხან ისეთ ნივთებს, რომლისაგანაც ადამიანი თვისი ხელოვნებით თავის სასარგებლოთ რამეს აკეთებს. მეორე მხრით კი ბუნება ხელს უშლის კაცს ცხოვრებაში და ხშირათ უმიზეზოთ ანუ ადამიანის მხრივ უდანაშაულოთ ჰკლავს კაცს, ან ავით ხდის, ან ნამუშევარს უნადგურებს და ზარალს აძლევს ასე რომ ბუნება თუ ერთი მხრით მეგობრულათ ექცევა ადამიანს და დახმარებას უწევს ცხოვრებაში, მეორე მხრით მტრულად უხვდება მას და ამარცხებს შეუბრალებლათ.

ბუნებასა და ადამიანს შორის დამოკიდებულობა მეგობრულათ არ შეიძლება ჩავთვალოთ, ვინაიდან ბუნება ყოველთვის ხელს არ უწყობს ადამიანს და არ ეხმარება ცხოვრების გასაუმჯობესებლათ. ადამიანი ხედავს ბუნების სიმდიდრეს და რომ ისარგებლოს ბუნებით, ამისათვის სწავლობს ბუნება, და მის კანონებს. ბუნების შესწავლა დაიწყო ადამიანმა უხსოვარი დროიდან და ეს სწავლა დღესაც დღითი დღე მატულობს. რამდენათაც უკეთ იცის ადამიანმა ბუნების მდგომარეობა, მისი კანონები და მნიშვნელობა, იმდენათ უფრო ძლიერია ადამიანი და უკეთ ეწყობა ცხოვრებაში. ბუნება ძლიერია და მისი მორევა ანუ შესწავლა ერთი ადამიანისათვის შეუძლებელი და წარმოუდგენელია, მაგრამ ადამიანი შეერთებული მეორესთან და მესამესთან ანუ მთელი ჯგუფი ადამიანებისა ძლიერია და ბუმბერაზ ბუნებას ეტოქება; გონება აძლევს ადამიანს საშუალებას, რომ მან მოაწყოს ქვეყანაზე ორგანიზული ძალა და ეს ძალა შეუწყვეტლათ გაგრძელდეს ცხოვრებაში, გონების საშუალებით ადამიანმა შეადგინა ენა, ენამ შეაერთა ადამიანთა ჯგუფი და ყველამ საზოგადო მუშაობა დაიწყო, ასე რომ შეერთებული მუშაობა ადამიანთა ჯგუფის ძლიერი და ნაყოფიერი შეიქნა. ერთი ადგილის მცხოვრები ადამიანი მეორე ადგილს

მყოფს დაუახლოვდა და ენის საშვალეებით თვისი ნამუშევარი გაუზიარა; ერთი დროის ხალხმა ენის და წერის საშვალეებით თვისი შრომა და გამოცდილება მეორე დროის ხალხს გადასცა და ამგვარათ წარმოდგა შეუწყვეტელი კულტურული მუშაობა. კაცობრიობა შეიქნა საერთო და საზოგადო მუშაობის გამომწვევი ძალა და ამგვარათ დროისა და ადგილის მიუხედავათ მთელი კაცობრიობა ერთ ძალათ გადაიქცა. ეს ძალა შეეებრძოლა ბუნებას და ბრძოლა შეიქნა მეტათ საინტერესო და ნაყოფიერი.

დაკვირვებით და გამოცდილებით ადამიანმა გაიგო ბუნების ძალა და მისი სიმდიდრე, აგრეთვე კანონები და მისი გავებით ისა შეიარაღდა და თანდათან შეეცოქა ბუნებას.

პირვანდელი უბრალო და მარტივი ცხოვრება ადამიანმა თანდათან შესცვალა და ისარგებლა ბუნების ძალით. ადამიანს უჭირდა საქმელის გაკეთება, მაგრამ მოიგონა ცეცხლი და ამის საშვალეებით ისარგებლა ცეცხლის მასალათ ხე, ისევე ბუნების საკუთრება და თვისი ათასნაირი მოთხოვნილება დაიყმაყოფილა. ადამიანს უჭირდა ფეხით შორს სიარული და დიდი სიმძიმის გადატანა, მან შეიგონა ძალა წყლისა და მეზღვაური გახდა. ამგვარათ ზღვა-მდინარეები მოსამსახურეთ გაიხადა; სადაც მდინარე არ მიუდგა იქ დამორჩილებული ცხოველები იხმარა და მათი შემწეობით მსუბუქათ აისრულა თვისი მოთხოვნილება. ნოყიერი მიწა უხვით იძლეოდა ათასნაირ მცენარეს; როცა ადამიანმა იცნო რა მცენარე იყო მისთვის სასარგებლო და რა საზარალო, შემდეგ ბუნებას ხელოვნურად მოამრავლებია სასარგებლო მცენარეები. ამგვარათ ადამიანი დღითიდღე ეცნობოდა ბუნებას, სწავლობდა მის ახალ დასაფასოს და ამგვარათ შეიქმნა დაახლოვებული ოსტატი და თვისი ოსტატობით თვით ბუნება გაიხადა მოსამსახურეთ. თუმცა ადამიანს ბუნების შესწავლა და ოსტატობა ძვირათ უჯდება და ეს ასწლოებით და ათასწლოებით ხერხდებოდა, მაგრამ აქ შრომა და გრძელი ვადა სახეში მისაღები არ არის, საქმე იმაშია, რომ ისე იყო თუ ისე, ადამიანი მოქმედი ძალა შეიქნა და ბუნება სასარგებლოთ გამოი-

ყენა და რაც სახიფათო იყო ბუნებაში, მისგან ასაცდენი საშვალეებით გამოსძებნა; რომ გადავავლოთ თვალი ადამიანის არსებობის ხანას და მთელი ისტორია წარმოვიდგინოთ თვალწინ, დავინახავთ რომ ადამიანი ბუნებას ეტოქება. ბუნებაში ათასი საიდუმლო ძალაა, ბუნება უზღვევი სიმდიდრის მექონი საუნჯეა და რამდენიმე ბუნების მოვლენა მეტი საშიში და მომსობია ადამიანისა, მაგრამ ადამიანი ნიჭისა და გონების მეოხებით ოსტატურათ ექცევა ბუნებას, იგებს მის საიდუმლოებას, აჩენს მის სიმდიდრეს, საფარს უკეთებს მის დამაქცევარ საშიშ ძალებს და თანდათან ბუნებას იმორჩილებს.

ამგვარათ ადამიანი აღრიდგანვე მიხვდა თავის მოვალეობას ესე იგი იმას, რომ ის უნდა შეწყობოდა ბუნებას, მაგრამ ისე კი არა, რომ დამორჩილებოდა მას, არამედ ისე, რომ თავისი კეთილდღეობისთვის ბუნებავე მოეხმარა და ემსახურნა. კაცობრიობა ამ დანიშნულებას მისდევს ისტორიის დასაწყისიდანვე და დღესაც ამ გზას ადგია. დღევანდელი განვითარებული ტექნიკა და ათასგვარი გაუმჯობესებული მაშინები, რომელთა წყალობით ადამიანმა შეიმსუბუქა თვისი შრომა, ცხადათ ამტკიცებს, რომ კაცობრიობა დღითიდღე მიდის წინ ბუნებასთან ბრძოლაში და ყოველი გამოგონება არის წინ ნაბიჯის გადადგმა ამ გზაზე. რამდენ ახალ მანქანას შეიძენს კაცობრიობა, იმდენათ უფრო ძლიერდება ბუნებასთან ბრძოლაში და ყოველი ახალი მანქანით ადამიანი თითქმის ეუბნება ბუნებას: „ეს კადეგ ერთა საბუთა, რამ მე შენ გჯობნია“. დღეს ადამიანის მისწრაფება სწორეთ ისაა, რომ რაც შეიძლება დაწვრილებით და ეჯითათ შეისწავლოს ბუნება, გაიგოს მისი საიდუმლოები, ისარგებლოს მისი სიმდიდრით და თითქმის მონათ გაიხადოს იგი. უმეტესი ნაწილი თვისი ფიზიკური შრომისა ბუნებას დაავალა განათლებულმა და ტექნიკური ცოდნით აღჭურვილმა კაცმა, მაგრამ ამას არა კმარობს და იმას ცდილობს, რომ თითონ გაბატონდეს და ბუნება სრულ მონათ გაიხადოს.

ბ. ჯაფარიძე.



წალავა-უკულავა.

(გაგონებულება).

ამ ოჯახში დააბინავა მერაბიკამ შვილი და დიდად იმედ-მოცემული გამობრუნდა შინ. ის ასნაირ ოცნებებით სტკებოდა, რომ შვილს ძვირფასი ადგილი მოუპოვებდა, ორი—სამი თვის შემდეგ ჯამაგირიც დაენიშნებოდა, მისი ჯამაგიროსანი შვილი მასაც ფულს ბლომად გამოუგზავნიდა, ის კაი ცხენსა და უნაგირს იყიდოდა, კარგად ჩაიცვამ—დაიხურავდა და შვილიც ხომ თავის—თავად დიდი კაცი გამოვიდოდა... მერაბიკას თავში ერთიც არ გაქაჭანებულა აზრი, რომ მან შვილი გახრწნილების მორევში გადასროლა და იმისი მომავალი უფრო საეჭვო იყო, ვიდრე სანუგეშო.

გამოთქმაც არ შეიძლებოდა, თუ რა აღტაცებაში იყო კოლია მოსული. სოფლის ღარიბი ოჯახის შვილს წარმოდგენილიც არ ჰქონდა, რომ ამდენი სიმდიდრის პატრონი შეიძლებოდა კაცი გამხდარიყო... დიდი—ვებერთელა, ქვის-შენობა, ორ-სართულიანი სახლი, პატარა, მაგრამ საკვირველი მცენარეებით გაშენებული ეზო, უცნაურად მორთული ოთახები, ოქრო-ვერცხლი, თვალ—მარგალიტები, პიანინო—ფორთოფიანები და ათასგვარი სიმდიდრე კოლიას უჩვეულო თვალებს სიზმარით ეჩვენებოდა.

კოლიას მდგომარეობა უეცრად შეიცვალა. მას ახალი და შესაფერი ტანისამოსი შეუყვარეს და ერთ მოსამსახურე ბიჭთაგანს დაავალეს, რომ ის ეტარებია, სადაც საჭირო იყო და ესწავლებია ქუჩები, სახლები, სავაჭრო ადგილები და სხ., სადაც მათ ეჭირვებოდათ ბიჭის გაგზავნა-გამოგზავნა... გარდა ამისა კოლიას სამზარეულოშიაც ჰქონდა სამსახური მიჩენილი, რასაც ერთგულათ ასრულებდა. ამ ყოფით კოლიამ ხუთი თვე გაატარა ნიკოსთან კმაყოფილებით. ის ძალიან მადლიერი იყო თავის ბედის, რომ ასეთს დოვლათიან ოჯახში გაუჩნდა ბინა... სახიერებითაც გამოიკვალა: სოფლის ბიჭი, რომელიც ცარიელ მჭადზედაც

კმაყოფილი იყო და ზაფხულობით არც იმას ხარჯავდა ბევრს, რადგანაც უფრო ხილეთულობით იკვებებოდა, ერთობ გამხდარ—უფერული იყო და ცივებისაგან თვალები ამოყვითლებული ჰქონდა, რის გამო ძალიან კარგად გასუქდა და ლოყებზე წითელი ფერი ცისარტყელასავით გაეკრა. ის ისე გალამაზდა და ცქრილა უმაწვილი დადგა, რომ ყურადღების მიქცევაც დაუწყეს. გარდა ამისა ის ძალიან კარგადაც გაეცნო იმ ხალხს, რომელშიაც წამ და უწუმ უხდებოდა ტრიალი.

სონია ივანოვნამ (ნიკოს კოლია) ერთ დილას კოლია დაიბარა თავის საწოლ ოთახში და ამ დროს ნიკოც იქ იყო. კოლია მოწიწებით წარსდგა მის წინ. ის ელოდა ბრძანებას, მაგრამ სანამ ქალი რამეს ეტყოდა, იმის თვალებს განსაცვიფრებელი ოთახის მორთულობა წარმოუდგა. მან გამოშტერებული თვალებით დაუწყო თვალიერება უცხო სანახაობას და არ იცოდა, რომელ ერთ სამკაულობაზე შეჩერებულყო, რომ გამაძლარიყო იმისი მზერით. ამ ოთახში ის ჯერ არ შესულიყო და, რა თქმა უნდა, არც ამგვარი მორთულობები ენახა, რომელნიც ამ ბედნიერი ადამიანის საწოლ-ოთახს ამშვენებდნენ... სამი ოთახი, ჩინებული არხიტექტურით იყო ერთი მეორეზე გადაბმული. შიგნითა კარები არც ერთს არ ჰქონდა და კარების ადგილზე ძვირფასი ფარჩის ფარდები იყო დაკიდებული. ერთი ამ ოთახთაგანი, სადაც კოლია თავის ქალ-პატონის წინ ატუხულიყო ბრძანების მოსასმენად, ორი სხვისგან მეტად განირჩეოდა: კედლები ამ ოთახისა გარშემო შემოკრული იყო ძვირფასი, ბორდოს ფერი, სხვა და სხვა ვარდ—ყვავილებ ამოყვანილი აბრეშუმის ხავერდით, რომელიც ქერიდან იატაკამდის ეკიდა ძვირფასივე ფოლაქებით დამაგრებული; ძვირფასივე „კრავატი“, თვალთ-წარმტაცი საგება-სახურავით იყო მორთული; ამაზე ცოტა მოშორებით იდგა პირველ-ხარისხოვანი ხელოსნის ხელით გაკეთებული სამწერლო სტოლი, რომელზედაც სამწერლო მორთულობას და მწერლობისათვის სრულიად უმნიშვნელო მოწყობილებებს იმდენად მოკავეებით იდგლი,

რომ ნამდვილი ამ სტოლის დანიშნულებისათვის სულ ცოტა ადგილი იყო დარჩენილი; ფანჯარასთან იდგა, ძვირფასი დასაფარებელით დახურული სტოლი და ამაზე ეურნალ—გაზეთები ეყარო; ერთს კუთხეში იდგა მარმარილოს ქვის ფიკარ დაკრული სტოლი, რომელზედაც დიდი სარკე იყო წამოყუდებული. ეს სტოლი კედელზე და იატაკზედაც ვინტე-ბით იყო მიმაგრებული. მთელი ოთახი უძვირფასესი ხალებით იყო მოგებული და ძვირფას საღებებში ჩამჯდარი სურათები ამშვენებდნენ ოთახის კედლებს. მეორე—შეადგენდა ნიკოს საწოლ ოთახს; ისიც დიდებულად იყო მორთული და მესამე კი სონია ივანოვნას მოსართობი ოთახი იყო, სადაც ერთგან მარმარილოს ქვით დამშვენებული პირსაბანი იდგა და სხვაგან კარგა-მოზრდილი სტოლი, რომელიც სხვა და სხვა „ღუბებით“, საღებავი და პირის მოსართავ—მოსაკაზმავე წამლებით იყო სავსე; ერთს კუთხეში იდგა ვეებერთელა განჯინა, რომელშიაც ძლივს ეტეოდა ქალის ფარჩა—აბრეშუმეულობის ტანისამოსი; სხვა მორ-

თულობა არც ამ ოთახს აკლდა. პირსაბანზე ჩამოწკრივებული იყო ექვს-გვარი სხვა და სხვა ღირსების საპნები... სწორეთ ნერვების ამშლელი მოქმედება ჰქონდა სონია ივანოვნას მორთვა—მოკაზმას. ხელ-პირის ბანაში არ შეიძლებოდა თითოეული საპონთაგანი არ ეხმარა, ესე იგი, ექვსჯერ არ დაებანა ხელ-პირი, რასაც ერთობ დიდი დრო სჭირდებოდა, მაგრამ სამი ამდენი დრო სხვა და სხვა სურნელოვანი წამლების და ღუბების ხმარებას ეჭირვებოდა და ერთად ამდენივე დრო სჭირდებოდა ჩაცმა—დახურვასაც, რასაც თან მოსდევდა მის „საბრძანებელ—საქაროში“, საკუთარი ეტლით წაბრძანება, ანგარიშის საწარმოებლად.

(შემდეგი იქნება).

ვ. წუთისოფლელი.



რედაქტორი, მღვდელი სიმონ მკვდელიძე. გამომცემელი იოსებ ლევაჯა.



გ ა ნ ც ხ ა ღ ე ბ ა ნ ი .



„შინაურ საქმეები“-ს რედაქციაში იყიდება:

კლიკოვის მწკვირვები ახალი ფორმისა და კველა უწყებები (ВЪДОМОСТИ) წლიური საბლადოჩინო ანგარიშებისათვის. ბლანკები „მზობის“ გამოცემა და ფულიც მას ეკუთვნის. ფასი ბლანკებისა—რწვეილი 5 კაპ. ვინც ორასზე მეტს დაიბარებს—4 კაპ. ხვედრი ფული უნდა გამოიგზავნოს შემდეგი ადრესით: Бутанъ, Правленіе религиозно-просвѣтительнаго „братства“.

Ольденбургская д. № 5.

Открыта ПОДПИСКА на 1911-й г. НА художеств., литературн., популярно-научный ЖУРНАЛЪ

ВЕСЬ МІРЪ

ЗА ГОДЪ 52 №№

Содержитъ до

5000 СТ. ТЕКСТА И ИЛЛЮСТРАЦИИ

БЕЗПЛАТНО КНИГА

1600 ст. текста 863 иллюстрации.

на 12 мѣсяцевъ 5 р., на 6 мѣсяцевъ 2 р. 50 к., на 3 мѣсяца 1 р. 25 к.
ВЕСЬ МІРЪ выходитъ еженед., содержитъ въ каждомъ № 96 ст. текста и иллюстрацій, печат. на велевой бумагѣ, въ очень плот. обложкѣ.

Годъ изд. 2-й

Первые №№ журнала ВЕСЬ МІРЪ расходились въ количествѣ 4—5 тис. каждый № журнала. Последние №№ ВЕСЬ МІРЪ расходились въ количествѣ 53.000 экз.

ВЕСЬ МІРЪ составитъ за годъ огромный томъ въ 5000 ст. текста и иллюстрацій и на ряду съ обширной библиотечкой вполне законченныхъ разск., стихот. и иллюстрирован. популярно-научныхъ очерковъ, явится иллюстрир. хроникой событій за весь годъ.

Съ Ноября 1910 г. въ журналѣ ДѢТСКІЙ МІРЪ печатается особый отдѣлъ содержащій игры, забавы, фокусы загадки, задачи—все на премію.

Первый листъ (8 полосъ) журнала ВЕСЬ МІРЪ представляетъ иллюстрированную хронику событій а недѣлю и составляется по рисункамъ и фотографіямъ художниковъ и фотографовъ журнала.

Въ литературномъ отдѣлѣ журнала ВЕСЬ МІРЪ въ 1910 г. печатали свои разказы и стихотворенія преимущественно иллюстрированные: К. С. Баранцевичъ, Р. В. Бодуэнъ де Куртэнъ, А. С. Бедиктъ, Ю. Д. Бѣляевъ, И. М. Василевскій, В. Н. Гордячъ, П. П. Гнѣдичъ, С. М. Городецкій, А. С. Гринъ, В. П. Далматовъ, А. Н. Каменскій, Б. А. Лазаревскій, Владиміръ Ленскій, В. А. Мазуркевичъ, И. Н. Петаненко, А. С. Рославлевъ, С. Г. Скиталецъ (Петровъ), В. А. Тихановъ, Дмитрій Цензоръ и др. На ряду съ этимъ печатались иллюстрированные разказы лучшихъ иностранныхъ писателей.

ВЪ ПОПУЛЯРНО-НАУЧНОМЪ ОТДѢЛѢ печатались иллюстрированные очерки по всѣмъ отраслямъ знанія, имѣющіе интересъ момента.

Особый иллюстрированный отдѣлъ посвященъ ТЕАТРУ И МУЗЫКѢ

Въ 1911 году журналъ ВЕСЬ МІРЪ будетъ издаваться по той же прогр., и при участіи тѣхъ же сотрудниковъ гт. подписчики на 1911 г. получаютъ НЕБЫВАЛУЮ ПРЕМІЮ:

книгу, содержащую 1600 ст. текста съ 863 иллюстр.,

ВСЕЛЕННАЯ И ЧЕЛОВѢЧЕСТВО форматъ книги—размѣръ журнала ВЕСЬ МІРЪ.

Полный переводъ съ послѣдняго пѣмец. изд. ТРИ ТОМА стоящіе въ отд. прод. 33 р. ДАРОМЪ въ одномъ томѣ. Книга выдается съ 20 Декабря 1910 г. ПРИ ПОДПИСКѢ въѣмъ высшимъ подписную плату (5 р.). Подписавшимся въ разсрочку, книга выдается по внесенію полной годовой платы.

Вѣсъ книги (8 ф.), не допускаетъ ея пересылки при журналѣ. Въ виду этого, книга выдается безъ всякой доплаты только въ Петербургѣ. За доставку на домъ повсемѣстно приплачивается 1 р. 35 к. (всего 6 р. 35 к.) за упаковку и перес.

на 1911 г. журналомъ ВЕСЬ МІРЪ объявленъ КОНКУРСЪ

и а премию въ 1000 руб. за лучшей расказъ своего подписчика.

Участниками и судьями конкурса являются все Гг. подписчики журнала ВЕСЬ МІРЪ. Подробныя условія конкурса въ декабрьскихъ №№ журнала „Весь Миръ“.

ДЛЯ КНИГИ Вселенная и Человѣчество изготавлены роскошные

ВРЪШКИ—ПЕРЕПЛЕТЫ. Точный снимокъ приложенъ къ каждой книгѣ. Подписка принимается во всѣхъ книжн. магазинахъ, въ Главной Конторѣ журнала „Весь Миръ“: С. Петербургъ, 5 лин., 54, фабрика Коммерціи Совѣтника Н. В. Гаевского и въ магазинахъ Н. В. Гаевского въ С.-Петербургѣ.

1) Литейный пр., 28. 2) Садовая ул., 22.

Редакторъ-Издатель: Коммерціи Совѣтникъ Н. В. Гаевскій.

—>>> (Типографія Хеладзе въ Кутаисѣ.) <<<—